

Date – 18/07/2025

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Mizoram Police-in tum khata Heroin fir tha chi a man zinga tam ber, fir ber leh hlutna sang ber nia hriat chu tunhnai khan Zokhawtharah man a ni.
2. School Education Minister Dr Vanlalthlanaan zirtirtu tam tak mahni post-ah an awm lova, Primary School ah te zaa 45 chu mahni post a awm lo an ni a ti.
3. Prime Minister Narendra Modia chuan vawiin khan Bihara Motihari atangin hmasawna hna chi hrang hrang cheng vaibelchhe sang sarih leh za hnih hu a hawng.
4. India chuan The Resistance Front (TRF) te US in firfiaka a puang chu lawmawm atih thu a sawi

<><><>

HEROIN SEIZED

Cheng Vaibelchhe Hnih, Nuai Sawmhnih Pahnih, Sing Ruk leh Sang Ruk hu Heroin Kg 7.422 chu Zokhawtharah man a ni. Tun tuma Champhai Police te Heroin man hi Mizoram Police-in tum khata Heroin fir tha chi a man zinga tam ber, fir ber leh hlutna sang ber nia hriat a ni.

Hemi chungchangah hian Mizoram police chuan vawiin khan thuchhuah siamin, tun thla ni 10 zan khan Zokhawthar Police Station te chuan an thu dawn bawhzuiin Zokhawthar chhehvelah foot patrolling an nei a. Zan dar 8:00 velah satha ip hring, ruihhlo dahna ni ngeia hriat chu Kudamsen Kai, Zokhawtharah an chhar a. A hnu lawk hian a bulhnaiah mi pakhat - Lalnuntluanga (20) Khawmawi Village, Myanmar a cheng mek nia inchhal chu man niin, satha ip hi Khawmawi, Myanmar atanga a ken leh helai hmuna a dah ngei a nih thu a inpuang a ni.

Hemi hnu hian thuhretu civil mi pahnih hriatpuinain satha ip hi hawn a ni a, a chhungah hian Heroin ni ngeia hriat, inches 8-a sei, inches 5-a hlai, inches 1-a chhah tum 20 hmuh chhuah a ni ta a ni. Heng ruihhlote hi sarang leh aluminium foil hmanga uluk taka tuam a ni a, Heroin fir ber chi (99.9%) siam leh tawlh kawnga hriat lar an ni.

An mi man inpuanna atangin rang taka chhui chhunzawm a ni a, he thila inhnamhnawih midang pathum, Zokhawthara cheng mek nia in chhal te chu man belh leh an ni.

(Corr)

<><><>

CYBER CRIME

Cyber Crime SP Pu VL Lura Hauzel chuan Mizoramah Cyber Crime hmelhriat tanna a rei loh ang huin Mizo-te chak takin a run mek a, police te'n case an chhui sen loh a awm mek a ti.

Vawiin-a Akashvani news Correspondent in a kawmnaah he thu hi sawiin Pu VL Lura chuan kumin chungin Police Station hnuaia Cyber Crime case ziah luh hrang hrang zingah sum lam kaihnawih inbumna case 100 zela 90 an nih thu a sawi a. Sum lama inbumna bakah hian tunhnaiah hur herhna rawngkaia in vauna leh intihmualpho tumna case a tam thu sawiin, cyber crime-ah chuan a tuartu te'n bum an tawhin engemaw tih ve an lo neih thin avangin a pawl thui thei a, fimkhur ngaihna lai tak a ni a ti.

(BYTE)

Cyber Crime chhinchhiah danin kumin January atanga July ni 15 thleng khan case registered 23 a awm a, heng zingah hian hnu chhui mek 17 awmin, mi 13 man ni tawhin an zinga 4 te chu thiam loh chantir an ni tawh a. Sum lama inbumna atangin Nuai 46, Sing 6 Sang 1, zaruk leh sawm pakhat chu hmuh let a ni tawh a ni. Cyber Crime kaihnawihna bumna tawh te'n helpline 1930-ah leh emergency helpline 112-ah engtiklai pawha biakpawh theih an ni.

(Corr-Nuteii)



EDUCATION MINISTER

School Education Minister Dr Vanlalhlanaan zirtirtu tam tak mahni post-ah an awm lova, Primary School ah zaa 45 chu mahni post a awm lo an ni a ti.

Vawiin khan Transfer & Posting of School Teachers Rules 2025 chungchanga School Education Directorate Conference Hall-a inrawn khawmna neihah he thu hi sawiin Education Minister chuan Transfer & Posting Rules hman theih leh hman ngam siam chhuah a ngai a ti a, zirtirtu transfer chu a hautak a, dilna thahnem tak a lut reng a ni a ti.

Minister chuan tun dinhmunah thingtlang atanga Aizawla sawn luh an tamna chhan chu zirtirtu senior te Aizawlah post an tam a, an pension zel a, an aiawh post ruak hnawh khat turin thingtlanga mi sawn luh zel an ngai a, Aizawla lut an tam lo thei lo a ni a ti a. Transfer & Posting Rules chu Mizoram Education Reforms Committee-in vawi tam tak an thlrho a, khawtin khawih leh thawktu ngah ber Department a nih bawk si avangin inrawn khawmna buatsaih a nih thu a sawi.

(BYTE)

School Education Director Pi Angela Zothanpuui pawhin thusawiin School Academic Session, School timing leh School Uniform chungchangah te inrawnkhawmna neih a lo nih tawh a, transfer chungchang chu School Education Department-ah hna hautak tak leh lian, in leng pawh an tamna chhan ber a ni a, enzui a ngai hle a ni a ti.

Mizoram Education Reforms Committee (MERC) Member Dr Rohmingmawiichuan kum 2020 khan Gazzette meuh chhuahin rules hi duan a lo ni tawh a, state thenkhatte rules enin a hman ve theih te enin siam a nih dan te, MERC in vawi engemawzat a thlrho tawh thu a sawi a. Online portal hman a nih dawn thu te, transfer theih hun chhunga transfer window a awm dawn thu te, inrawnkhawmna leh rawtna dawn atangin siamthat ngai lai te siamthat a nih dawn thu a sawi.

He hunah hian School Education Department a officer te, Service Association hrang hrang hruaitute, mimala rawtna neite an kalkhawm a, siamthat an duh laite an sawi hlawm a ni.

(CORR-Nuteii)



NH INSPECTION

National Highway- 306&06, Kawnpui leh Khamrang inkar kawng a chhiat avangin nitin mamawh hrang hrang lakluh a khaihlahk mek a,

A bikin Aizawl khawpuiah petrol leh diesel lei tur a awm lo a, hemi avang hian harsatna mipuiin an tawh mek a ni.

Kawnpui leh Khamrang inkar kawng chhe lai te hi vawiin khan Kolasib DC Pu Robert C. Lalhmangaiha chuan chu a hmunah a enfiah a. Kolasib District-a National Highway 306&06 inkar kawng hi Assam leh Mizoram inkalpawhna pawimawh tak niin nitin Mizoram mamawh leh chakkhai chawkluhna kalkawng pawimawh tak a ni a. Tun dinhmunah he lai kalkawng hi fur khawchhia leh leimin in a nuai nasat avangin lirthei khalhtute'n harsatna an tawh nasa hle a, Lirthei tangkhang engemaw zat a awm mek a ni. He harsatna sukiang tur hian NHIDCL hnuaia Contractor BR Goyal Constructions Pvt Ltd chuan Kawngpui thawm that hna hi an thawh mek a ni.

DC ho hian Lirthei tangkhang mek mumal taka chhuah dan tur te leh him taka lirthei an in sulpel dan tur sawiho a nih bakah Kawng siamna Excavator khawh leh Lei laihna khawh dang bakah hnathawktu Labour tam zawh dah dan tur sawiho a ni a. Kawngpui siam hna thawhtute tan Security leh IR Police dah belh dan tur pawh sawiho a ni bawh.

Kawngpui hi tha taka siam a nih theih nan lirthei tlan te an chawh lailawh dan tur sawi lan a ni a, amaherawhchu Kawnpui leh Khamrang kawng hi Mizoram luhka pawimawh tak a nih avangin State chhung mipui nitin mamawh Buhfai, Oil, Gas leh Damdawi phur lirthei te chat lak lova a kal dan tur pawh he hunah hian sawiho tel a ni.

Kolasib DC hian tunhnaia Kawnpui dai Durtlang panna Kawnga leimin chu a hmunah a enfiah nghal a. He leimin hi Border Road Organisation 74RCC te'n siamthat hna thawkin Retaining Wall rem hna an thawh mek a ni.

Kolasib DC hi Kolasib Addl. SP Pu F. Lalthlamuana, NHIDCL Project Manager leh Mizoram Truck Owners Association hruaitute leh mi pawimawh dangten an tawiawm a ni.

(Andrew Vanlalauva Kolasib PTC)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



PM

Prime Minister Narendra Modia chuan vawiin khan Bihara Motihari atangin hmasawnna hna chi hrang hrang cheng vaibelchhe sang sarih leh za hnih hu a hawng. Heng project te hi rel kawng, kawngpui, Rural Development , Fisheries, Electronics leh Information Technology sector ami te an ni a. Thusawiin PM Modia chuan ramchhung chhak lam hmasawnna turin Biharin hma a sawn a tul thu a sawi a. Vawiinah chuan sawrkar laipui leh state sawrkarten lungrual takin state hmasawnna tura an thawh avangin Biharin chak takin hma a sawn tih a sawi. Vawiin vek khan Prime Minister Modia hian Rajendra Nagar Terminal atangin Amrit Bharat train pali Patna to New Delhi, Bapudham Motihari to Delhi, Darbhanga to Lucknow leh Malda Town to Lucknowa te vailiam bawk a ni.

(Newsonair)



TRF

India chuan The Resistance Front (TRF) te US in firfiaka a puang chu lawmawm atih thu a sawi. Pakistan-a inkulh Lashkar-e-Tayyiba tana che thin TRF te hi US chuan Foreign Terrorist Organization leh Specially Designated Global Terrorist ah a puang a. Heng firfiak pawlte hi tum engemawzat pawikhawihnaah an inhnamhnawih a. Heng zingah hian Jammu and Kashmir-a Pahalfam firfiaka chetna pawh kha a tel a. External Affairs Minister Dr.S.Jaishankar chuan US State Department leh Secretary Marco Rubio te chungah lawmthu a sawi a. Hei hian India leh US ten firfiakte an dona kawngah an tanrual zia a ti lang a ni a ti.

(Newsonair)

